



Inatsisartuni ilaasortaq, Hans Enoksen, Siumut.

Suliffissaaleqinermik akiuinnermut tunngasumut apeqqut nr. 50-imut akissutit

14. maj 2013

Inatsisartut suleriaasianni § 37, imm. 1 naapertorlugu suliffissaaleqinermik akiuinnermut tunngasut Naalakkersuisunut ataani apeqqutit saqqummiussimavatit. Immikkoortorta qarfinni akineqartussanngorlugit apeqqutit innersuutigineqarsimapput.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@gh.gl
www.nanoq.gl

Apeqqummut matuminnga tunngavilersuut saqqummiunneqarsimavoq:

Matumuuna apeqqutigisannut tunngavilersuutiginiarpara suliffissaaleqisorpassuit nunaqarfinni illoqarfinnilu qanoq iliorfigineqarnissaat, tassami Naalakkersuisoqatigiit isumaqatigiissutaanni atuarneqarsinnaammat sukkasuumik sulilersinniarneqarnissaat isumaqatigiissutaasoq. Massakkut suliffissaaleqisut amerlaqimata sukkasuumik sulilersinneqassappata pilersaarutit suut ingerlanniarneqarsut paaserusunnarpoq.

Apeqqut:

- 1. Suliffissaaleqisut sukkasuumik sulilersinniarneqassasut Naalakkersuisoqatigiit isumaqatigiissutaanni takuneqarsinnaavoq, sukkasuumik sulilersinniarneqassappata qanoq iliortoqarniarpa?**

Akissut:

Anguniagaqartumik suliffeqartitsinermik politikkeqarnermik suliffissaaleqisunik suliffeqalersitsinermik nassataqartumik ingerlataqarnissaq Naalakkersuisut politikkerat. Naalakkersuisut suliffissaaleqinermut immikkut ittumik iliuuserisami pingaartippaat, suliffissaaleqisut ilinniagaqarnermik aallartitaqartinniarlugit pinginnaanngorsarnissaat, inuit suliffissaaleqisut suliffinni maannakkut suliffissaasunut piareersarnissaat kiisalu ingammik aatsitassarsiornerup iluani siunissami inuussutissarsiuutissanut inuit suliffissaaleqisut piareersarnissaat.

Taakkua saniatigut 2013-imi aamma pilersaarutaavoq inissiannik annertusisamik iluarsaassinermik aallarnisaasoqasassoq.

Suliffissaaleqinermik akiuinnermut atatillugu suliniutit tassaapput:

1. Suliffissaaleqisunut paasisaqarniarnermik allanullu saaffeqalerniarnermik pikkorissartitsinerit. Pikkorissartitsinerit ukuninnga sammisaqarfiupput;

inuussutissarsiorfiit nutaat, nuttarnersitsiniarneq, suliffinnik ujartuineq aamma suliffeqarfiit.

2. Piareersarfimmi qaammatinik qulinik sivisussusilimmik atuagarsorluni piginnaanngorsarnermik pikkorissartitsinerit. Pikkorissartitsinerit taakku suliffissaaleqisut ilinniagaqarnermik aallartissinnaalernerannik nassataqarput.
3. Piareersarfinni sulinermik sannavimmilu suliniutit qaammatinik 5-nik 10-inut sivisussuseqartut. Suliniutit taakku suliffissaaleqisut inuusuttut suliffeqarnermik imaluunniit ilinniagaqarnermik aallartisarnissaq siunertaralugu inuusutissarsiutit, sulinermilu atugarisartakkat pillugit paasisaarnissaannik nassataqarput.
4. Suliatut sammisanik pikkorissartitsinerit (PKU-mi pikkorissartitsinerit), inuusutissarsiornermik ilinniarfiit suleqatigalugit ingerlanneqartartut, taamaalilluni suliffissaaleqisoq specialarbejderitut ilinniagaqarniarnissaminik periarfissinneqarluni.
5. Piginnaanngorsaqqinnerit. Kommunini suliffissarsiuussisarfinnik suleqateqarluni piginnaanngorsagassat amerlassusaannik annertusaaniarnermik iliuuserisaavoq.
6. Nunaqarfinni imaluunniit illoqarfeeqqani isaterinermik eqqagalerinermilu suliniutit.

Suliniutit ataavartumik sunniuteqarnerisut malittarineqassapput. 2011-mit manna tikillugu inernerisut takutippaat suliniutit naammassereernerisa kingornatigut qaammatit arfinillit qaangiunnerini peqataasut affaata missaat sulilersimasut imaluunniit ilinniagaqartut/piginnaanngorsartut. 2012-imi sunniutinik malittarinnineq ukiumi kingusinnerusukkut naammassineqassaaq.

2. Nunaqarfinni suliffissaaleqisut qanoq sulilersinniarneqarpat?

Akissut:

Pikkorissartitsinernik/ilinniagaqartitsinernik/suliniutinik assigiinngitsunik aaqqissuinerisut kommunip kissaatigisai tunngaviusarput. Kommunit kissaatigisaat pisariaqartitaallu naapertorlugit pikkorissartitsinerit/ilinniagaqartitsinerit/suliniutit isorliunerisuni nunaqarfinni anginerisuni aamma illoqarfeeqqani ingerlanneqartarnissaat anguniarneqarpoq.

Qaasuitsup Kommuniani assersuutigalugu 2013-imi kommunip kissaatai naapertorlugit nunaqarfinni illoqarfeeqqanilu annertuumik suliffissaaleqisoqarfusuni eqqaavilerinermik/iluarsaassinermik/isaterinermik suliniummut aningaasanik immikkoortitsisoqarpoq.

Kangerlussuarmi sivisunerisumik ilinniagaqarnermik ingerlatsinerisut 15-inik peqataaffigineqartumut aningaasanik tapiissuteqartoqarpoq.

Namminersorlutik Oqartussat 15-iniit 18-inut ukiulinnut immikkut ittumik 2013-imi iliuuserisaanni ”Nunaqarfinni Ikaarsaariarnerisut ilitsersuut”-mik taaguutilik

(”Overgangsvejledning i bygder”) ingerlanneqarpoq. Aningaasat 800.000 kr.-t immikkoortinneqarput.

Piareersarfinni aqutsissiuussisut nunaqarfinnut minnerpaamik qulinik inoqartunut 15-iniik 29-nut ukiulinnik siunnersuiartorlutik angalatsinneqarsinnaapput, innuttaasut suliffeqarnermut, piginnaangorsarnermut imaluunniit ilinniagaqarnermut periarfissanik siunnersoriartorlugit.

3. Ukioq manna marts-imi suliffissaaleqisut qassiuppat?

Akissut:

2013-imi martsip qaammataani suliffissarsiortutut katillugit 3.946-t nalunaarsorneqarput, taakkunannga 611-t nunaqarfinneersuupput.

4. Suliffissaaleqisut eqqarsaatigalugit aningaasat qassit atugassiissutiginiarneqarpat?

Akissut:

2013-imut aningaasanut inatsimmi suliffissaaleqinermik akiuinnermut 20 mio. kr.-t immikkoortinneqarput. Taakku saniatigut 2012-imi aningaasat atorneqarsimanngitsut 3,5 mio. kr.-t missaat nuunneqarsimapput. Kommunit 10 mio. kr.-t missaannik aningaasaleeqataasuunissaat naatsorsuutigineqarpoq. Taamaattumik 2013-imi iliuuserisamat tamarmiusumut aningaasaliissutit 33 mio. kr.-t sinnitsarsimaneqassapput.

Inussiarnersumik inuulluaqqusillunga,

Jens-Erik Kirkegaard